



# ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

## Ո Ր Ո Շ ՈՒ Մ

29 դեկտեմբերի 2016 թվականի N 1373 - Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ  
2011 ԹՎԱԿԱՆԻ ՀՈԿՏԵՄԲԵՐԻ 13-Ի N 1521-Ն ՈՐՈՇՄԱՆ ՄԵՋ  
ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ  
Մ Ա Ս Ի Ն

---

Հայաստանի Հանրապետության կառավարությունը ո Ր Ո Շ ՈՒ Մ է.

1. Հայաստանի Հանրապետության կառավարության 2011 թվականի հոկտեմբերի 13-ի «Ազատ տնտեսական գոտու կազմակերպչի ընտրության ու չափանիշների սահմանման, ազատ տնտեսական գոտում շահագործողների թույլտվության տրամադրման և դադարեցման, ինչպես նաև շահագործողի կողմից ներկայացված գործարար ծրագրին ներկայացվող պահանջներն ու գնահատման և ազատ տնտեսական գոտու սահմանագծին ներկայացվող տեխնիկական պահանջների կարգերը հաստատելու, Հայաստանի Հանրապետության կառավարության 2002 թվականի հունիսի 22-ի N 844 որոշման մեջ փոփոխություններ կատարելու և ազատ տնտեսական գոտիների պետական քաղաքականության բնագավառում լիազոր պետական մարմին ճանաչելու մասին» N 1521-Ն որոշման N 2 հավելվածում կատարել հետևյալ փոփոխությունները և լրացումները՝

- 1) 6-րդ կետում «Հանձնաժողովին» բառը փոխարինել «Լիազոր մարմին» բառերով.
- 2) 7-րդ կետը շարադրել հետևյալ խմբագրությամբ.

«7. Լիազոր մարմինը հայտն ստանալուց հետո մեկ աշխատանքային օրվա ընթացքում այն էլեկտրոնային եղանակով ուղարկում է հանձնաժողովի անդամներին: Հանձ-

նաժողովի անդամները հայտն ստանալուց հետո 5 աշխատանքային օրվա ընթացքում ուսումնասիրում են ներկայացված փաստաթղթերը՝ ելնելով կարգով սահմանված չափանիշներից, և ներկայացնում են հայտի վերաբերյալ գնահատական:».

3) կարգը 7-րդ կետից հետո լրացնել հետևյալ բովանդակությամբ նոր՝ 7.1-ին, 7.2-րդ, 7.3-րդ, 7.4-րդ և 7.5-րդ կետերով.

«7.1. Հայտի վերաբերյալ գնահատականները ներկայացվում են էլեկտրոնային եղանակով:

7.2. Հինգ աշխատանքային օրվա ընթացքում հանձնաժողովի անդամի կողմից հայտի վերաբերյալ գնահատական չներկայացվելու դեպքում հայտի գնահատման ժամանակ հանձնաժողովի տվյալ անդամի գնահատման արդյունքները հաշվի չեն առնվում:

7.3. Հանձնաժողովի նիստ գումարվում է հետևյալ դեպքերում՝

ա. եթե գնահատման արդյունքում հայտը չի բավարարել անցողիկ շեմը.

բ. եթե հայտը չի գնահատվել հանձնաժողովի անդամների առնվազն 1/3-ի կողմից, կամ հանձնաժողովի անդամի կողմից հանձնաժողովի նախագահին ներկայացվել է հիմնավորում դրա լրացուցիչ քննարկման անհրաժեշտության վերաբերյալ:

7.4. Հանձնաժողովի նախագահը հանձնաժողովի նիստ է գումարում սույն կարգի 7.3-րդ կետով սահմանված հիմքեր առաջանալուց հետո 2 աշխատանքային օրվա ընթացքում:

7.5. Հանձնաժողովի գնահատած հայտը և համապատասխան եզրակացությունը լիազոր մարմնի կողմից ներկայացվում է Հայաստանի Հանրապետության կառավարություն՝ քննարկման, ոչ ուշ, քան հայտն ստանալուց հետո 10 աշխատանքային օրվա ընթացքում:».

4) 8-րդ և 15.3-րդ կետերում «21 աշխատանքային օրվա» բառերը փոխարինել «15 աշխատանքային օրվա» բառերով.

5) 9-րդ կետը լրացնել հետևյալ նախադասությամբ.

«Կազմակերպիչը պայմանագրի պատճենը տրամադրում է լիազոր մարմնին:».

6) 10-րդ կետը շարադրել հետևյալ խմբագրությամբ.

«10. Պայմանագրի պատճենն ստանալուց հետո լիազոր մարմինը 2 աշխատանքային

օրվա ընթացքում հայտատուին է տրամադրում թույլտվության վկայական: Վկայականի ձևը սահմանվում է լիազոր մարմնի ղեկավարի և Հայաստանի Հանրապետության ֆինանսների նախարարի համատեղ հրամանով:».

7) 12-րդ կետը շարադրել հետևյալ խմբագրությամբ.

«12. Լիազոր մարմինը վարում է շահագործողներին տրված թույլտվության ռենստր (այսուհետ՝ ռենստր), որը հրապարակվում է լիազոր մարմնի պաշտոնական էլեկտրոնային կայքում և նորացվում է յուրաքանչյուր նոր շահագործողին վկայական տրամադրելուց հետո մեկ աշխատանքային օրվա ընթացքում:».

8) կարգը 12-րդ կետից հետո լրացնել հետևյալ բովանդակությամբ՝ նոր՝ 12.1-ին կետով.

«12.1. Ռենստրը պարունակում է հետևյալ տեղեկությունները՝

1) ազատ տնտեսական գոտու շահագործողի անվանումը.

2) գրանցման համարը.

3) Հայաստանի Հանրապետության կառավարության՝ տվյալ շահագործողին թույլտվություն տրամադրելու մասին համապատասխան որոշման համարը.

4) ազատ տնտեսական գոտում շահագործողի գործունեության իրականացման թույլտվության վկայականի պատճենը:».

9) 18-րդ կետի՝

ա. 1-ին ենթակետը շարադրել հետևյալ խմբագրությամբ.

«1) արտահանման ուղղություններ և ծավալներ.»,

բ. 6-րդ ենթակետն ուժը կորցրած ճանաչել:

2. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՎԱՐՉԱՊԵՏ  
2016 թ. դեկտեմբերի 29  
Երևան

Կ. ԿԱՐԱՊԵՏՅԱՆ

